



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.D.LXXXIX. Sancti Patris Benedicti. M.C.IX.

urn:nbn:de:hbz:466:1-38498

imitationem, uti etiam exemplum ejusdem potentissimum apud suos, ipso effectu mirabiliter comprobavit. Ex *Vita ejusdem & Monim. Montferr.*

Hoc ipso tempore in Galliarum etiam Regno non minus quam Hispanico admirabile sese lumen prodidit, celeberrimus nimirum ille, & meritissimus de omni Universi posteritate Gilbertus Genebrardus noster, Monachus Mansarenfis, & exin Beatae MARIÆ Virginis Semurienfis Prior, Vir, si quis ullus alius, fama incomparabili Nominis etiam in terris immortalis, qui orbem radijs illuminatissimi capitis & pectoris implens omnes longè lateque mortales in sui convertit admirationem. Is præceptoribus olim usus, in Græcis Turnebo, in Philosophicis Carpentario, in Theologicis Sanctæo, in singulare demum ipse Ecclesiæ & Orbis Christiani ornamentum adolevit. De eo sic Scævola Sammarthanus: *Arvernia bonis ingenij fecunda, cujus è gremio prodire rogati Ordinis tot illustres viri, hunc etiam edidit sacrati Ordinis eruditum virum, qui sanctæ lingue Regiis apud Parisios interpretis, Hebraica antiquitatis arcana plurima, & ea maxime quæ ad rationes temporum subducendas pertinent, adhibito perspicacis ingenij lumine, perquisivit, ac in lucem protulit. Hoc enim ex fonte ortum est Chronologicum illud opus, & alij qui nunc sunt in manibus hominum similis industrie factus, maximis ab eo vigilijs & laboribus elucubrati. Multa ille ex Hebreis & Græcis acurate transtulit, multa recognovit, multa commentatus est. Novissime Musarum penetralia ingressus, amatorium Salomonis Latine tentavit poema, molle illud quidem & tenerum, sed pium, quo Servatoris purissimos in Ecclesiam suam amores sapientissimi homines tradidere, nec enim ab instituta versione deterruit, quod alij summæ doctrinæ viri, & hujus ætatis facile principes Poëta lepores omnes & grattas in eodem carmine transferendo felicissime jam impendissent. &c. Lucubrationum, quarum ad nos pervenit notitia, syllabum atteximus.*

Gilbertus Genebrardus.

Miraculum viri eruditi.

Eius ingenij monumenta.

- De Sanctissima Trinitate. Libri 3.*
- Contra Jacobum Schogium, Ante-Trinitarium. Liber 1.*
- Contra Lambertum Daneum Sabellianismo infectum. Liber 1.*
- Contra Rabbi Josephum Albonem & Rab-*

- bi Davidem. Libri 2.*
- Psalmi Davidis primo & genuino sensui redditi. Liber 1.*
- Psalmi Davidis cum fusiorebus Commentarijs.*
- Canticum Cantorum Salomonis contra Bezam. Liber 1.*
- Joel Prophetia cum Annotationibus. Lib. 1.*
- Tabella sumaria cum Annotationibus. Lib. 1.*
- Chronologia sacra. Liber 1.*
- Chronographia Universalis. Libri 4.*
- Notarum Chronicarum. Liber 1.*
- De Sibyllis & Sibyllarum prænunciationibus. Liber 1.*
- Flavij Josephi opera ex Græco sermone in Gallicum versa.*
- Opuscula aliquot contra Politicos nostri temporis.*
- Opuscula multa è Græco sermone translata.*
- Origenis Adamantij Opera notis illustrata.*
- Isazoge ad legenda Hebræorum Orientalium sine punctis scripta.*
- Et plurima alia Hebraico-Latina.*

Ejusdem ingenij monumenta.

Sed de Genebrardo plura suo loco: nunc ad alia transeamus.

Floret eodem tempore in Italia Jacobus de Graffijs Nobilis Capuanus, in Cænobio celeberrimo S. Severini Neapolitano Monachum, professus, Utriusque Juris Doctor subtilissimus, cujus inter alia Opera Theologica plura celebrantur. è quibus non uno sed pluribus locis typo editi sunt Libri quatuor; *Decisionum Aurearum Casuum Conscientiæ*, qui passim extant.

Jacobus de Graffijs Mon.

In Monasterio S. Joannis Evangelistæ Parmensi hoc ipso anno fuit solemnitè translatus corpus S. Joannis primi ejusdem loci Abbatis quocumque aliorum item ejus loci sanctorum Translatio facta est, octavo Iduum Maij. Ex *Menologio nostro*, & *Arn. Duac.*

Translatio S. Joannis Abb.

IESU CHRISTI ANNUS. M. D. LXXXIX. Sancti Patris Benedicti. M. C. IX.

Iterum novum Ordinis in Hispania Sydus, magno fulgore emicat, magno Benedictinæ juventutis solatio, exemplo & incitamento, Beatae memoriæ Martinus Vallis Ecclesiarum Candidatus Tyro Novitius, qui ut primum sacrae Religioni in sanctissima Reformatione Cisterciensi nomen dedit, totius perfectionis exemplar se omnibus exhibuit. In juvenili siquidem ætate, juvenilem exutus penitus levitatem, accinxit fortitudine lumbos su-

Martinus Novitius Vall. Ital.

os, & superans mundum, Dæmonem, & seipsum, gloriosissimas Victorias, post varia certamina reportavit: siquidem ab infernalibus Spiritibus, & monstris horrifcicis visibiliter & invisibiliter summa contentione pro viribus oppugnatus, alterum sui sæculi Antonium referre videbatur. Illustit miris modis purissimo juveni, impurissimus & astutissimus præstigiator, amoribus & minis insolentissima ausus, adeo quidem, ut ipsi etiam Fratres Monachi, in ipso Choro mirè mutati, in puellas transformati formosissimas, superbissimo vestitu, & obscænis gestulatione, eidem ablandiri viderentur. Triumphavit nihilominus adjuvante DEO de insidijs nocturnis diurnisque Novitius miles, & velut veteranus veteratorem, quæcunque moliretur, delusum pijs artibus avertit & fugavit, ut sui porro contemptum non ferens, cum in animum nihil proficeret, corpori ejus & vitæ mortali mortem intentaret. Adfuit tamen clienti optimo Angelorum Regina & a cacodæmone penè suffocatum, puerum Jesum inter ubera fovens, fugato pessimo genio, visibiliter eripuit. Proceffit multo deinceps confirmatior & alacrior ad pugnam, cum ab impugando Inferi nunquam desisterent, adeo multoties eidem infesti, tantaque truculentia ipsum verberibus & flagris concidentes, ut sæpe ipsum Confratres & Novitiorum Magister cicatricibus & livoribus plenum, jacentem sine omni sensu invenirent. Factumque permittente Numine, raro exemplo, ut Novitius hic, sed emeritus Christi miles, non sub quocunque Tyranno, sed ab ipso omnium Tyrannorum Principe crudelissimè excruciatu, gloriosè vincens, victor occumberet, & quadam nocte terribiliter flagris à dæmone concisus, contracto inde ventris fluxu, victricem animam DEO redderet, & coronam acciperet, quam tam continuum prælium & gloriosissima victoria merebantur, decimo sexto Calend. Decembris Triumphanti Ecclesiæ, & Empyreï cœli firmamento insertus. *Chrysof. Henric. &c.*

Alter S.
Antonius

Ipsi adest
Deipate.

Triumphator
Cacodæmon.

Joannes de
Castaniza
& plures.

de Castaniza, de quo suo loco inferius, Placidus de Salinas Abbas Montserratensis, Antonius de Corduba, Laurentius Nietus & plurimi alij, ad summos pro meritis honores à sua Congregatione promoti, ut suo fervore omnes accenderent, vitæ exemplo illuminarent. *Ex Chron. Hisp. Ant. de Jeyes &c.*

Sed & Congregatio Montis Syon in eodem Regno plurimum bono publico consulit, non solum sanctorum virorum copia provincias diversas beando, & ad meliorem frugem perditos homines invitando, sed & viros doctissimos, Theologos ac Philosophos præstantissimos educando, & contra hostes Ecclesiæ opponendo, & diversis Universitatibus atque Academijs, Professores subtilissimos commodando; memorabili omnino totius Regni commodo, gloria & ornamento. *Ex diversis rerum Hispanicarum & Ordinis Scriptoribus.*

Memorabilis admodum, sub hoc tempus Divina Sanctissimi Viri Candidi vocatio & electio. Is patriam Erfordiam in Hibernia habuit, parentes insigni generis Nobilitate, è Furlongiorum ortus familia. Legibus primum Municipalibus in Anglia studuit, donec cupiditate Religioni Catholicæ liberius vacandi, insulâ excederet, & in Galliam migraret. Magno hic gaudio affectus, quod Sacerdotes & Monachos publicè sacris operari, & Divinis in Choro servitijs insistere conspiceret. Ex Gallia in Italiam abiit, & per aliquot provincias peregrinatus est. In toto hoc itinere nullum Comitum habuit, quod nunquam sibi melius comitatus videretur, quam dum solus esset, eo quod semper ad DEUM omnes cogitationes dirigeret. Per avia incedebat, Divinorum meditatione absorptus, & quando se vel bivium vel trivium offerebat, & ignorabat quam viam ingrederetur, ut ad propositum locum perveniret, genibus flexis dicebat: *Vias tuas Domine demonstra mihi, & semitas tuas edoce me.* Et surgens clausis oculis iter ingrediebatur, atque apertis postea oculis prosequeretur, persuasissimum habens se verâ & rectam viam tenere. Mirabile! Hoc modo nunquam à recta deflexit semita, rectissimâque Romam devenit, unde SS. Apostolorum visitatis

Viri Illustres plurimi.

B. Candidi
Nucalensis
Vocatio.

Electio viarum.

ratis liminibus, ad Lauretanam Deiparae sese ædem convertit, inde in Hispanias iter direxit, ubi concitante Numine, in feracissimo sanctorum Nucleensi Canobio cucullum exambijt, tantòsque statim ad omnem vitæ sanctitatem progressus fecit, ut nemini non & admirationi esset & venerationi. Postea ad Collegium Philosophicum Meyrense in Gallecia missus, insignes etiam in litterarum studijs progressus fecit. Cœpit jam tunc totus æstuarè Zelo Apostolico, & Patriæ suæ miseriam considerando & errores, totus ejusdem juvenatæ fervescere de fiderio; quod animadvertens cacodemon, omnibus modis ipsum avertere studuit, imo gravissimis vexatum tentationibus ad carnis illecebras divertere, cumque apud castissimum juvenem nihil proficeret, cœpit non aliter atque supradictum Martinum Novitium summis injurijs afficere, varijs & horrendis larvis terrere, dirisque verberibus afficere, ita ut frequenter Fratres ferè exanimem, & nudum in proprio volutarum sanguine reperirent. Cura ei Monachos ad vigilias excitandi demandata erat: nactus occasionem hostis, nocturnis tenebris orationi intento, & horam ad excitandum Fratres præstolanti, horrenda monstra & foedissimas imagines proponebat, & diversis modis eum terrere conabatur, Quadam nocte horologij scalam ascendenti occurrit Dæmon, & eum ictibus & flagellis acriter cæsum per gradus dejecit. Nihilominus mente fortior peritat Candidus, & infernales catervas, sciscitanti, num eas timeret? asseruit se Divina fretum Virtute, quas initio aliquantulum formidaverat visibilibus apparentes jam ut muscas parvi pendere, atque à se abigere. Decurso Philosophico cursu Salmanticam ad sublimiora studia mittitur, ubi virtutum suarum odore, plures à vitiorum præcipitio ad perfectionis studia traxit, sibi rigidior multo quam antea, causam rogatus, ut facilius graviora pro Fide in patria toleraret, respondit. Sed plura de eodem inferius.

Natalis hic idem annus 1589. fuit, magni revera deinceps nostræ atate syderis, Venerabilis viri & Illustrissimi Principis Scipionis Caraffæ, in religione postea Aloysij dicti, qui hoc

ipso anno in lucem editus parentem habuit, Fabricium Caraffam Andriæ Ducem, matrem Mariam Caraffam item, Stigliani Principem, Christianæ perfectionis exemplar à qua pietatem cum lacte suxit, editis ab ipsa infantia insignibus futuræ sanctitatis signis, & singularis à Numine benedictionis. *Ex Vita Neapoli impressa, Auctore D. Angelo Perfecto, Priore Casinense, &c.*

Moritur eodem anno Romæ Illmu Thadaus Pepulus è sacra familia nostra Olivetana Episcopus Carinulæ, vir præstantissimus. *Ex Lancelotto.*

IESU CHRISTI ANNUS. M. D. XC.
Sancti Patris Benedicti. M. C. X.

Rursum, admirandâ prorsum, ac pijsimâ virorû, & quidem Religiosissimorum æmulatione, consequutæ proximè, nisi & transgressa Generositatem eorundem nostræ Viragines, quantumcumq; illi nei vos vireiq; intenderent, vinci tamen Viragines nostræ passæ non sunt, sed extrema conata. Ex his Sanctæ memoriæ Teresæ sive Teresæ de Toledo, Marchionissâ de Velado, Illustrissimo Ducum, & Principum generè nata, sed illustrior Beatiorque Christi servitute, Monialis ac dein Abbatissâ S. Annæ Abulensis, singulariter exsplenduit. Fuit hæc tanto in genere, generosissima sui contemptrix, videri omnium minima & vilissima gestiens, unde etiam dignissima ab omnibus judicata est Monasterio præellè & vitam omnium ad suam instructionem & exemplum vitæ dirigere. Nec minus pietate & devotione, quam animi demissione excelluit, talis per omnia, ut nata ad Regendum videretur, etsi ipsa omnibus parere, & subesse deligeret. Ejus exemplo plurimæ magni nominis & potentia Virgines, jugum Domini amplecti ausæ sunt, insignesque de mundo, carne & dæmone victorias reportarunt: *Ex vita Michaelis Gonzalez, Vaquero, & Vita B. Mariæ Vela &c.*

Pergit ad præmia Beatorum hoc anno Venerabilis Marcus de Villalba Monachus Montis Sion, vir pietate & Religione præcipuus, unde evenit, ut honoribus & dignitatibus quam plurimis ab omnibus honoraretur, fuitque Sacræ familiæ nostræ Cisterciensis in Hispanijs Reformator Generalis, quâ

In litteris
Progressus.

Mirus vitæ
rigor.

Cum Cæcæ
dæmone
lucta

Ven. Aloysij
Caraffæ
Nativitas.

Sacram
Deo Virgi-
nem vo-
strarum
pia exulta-
tio.

V. Teresæ
de Toledo.

V. MARON
de Villalb.